



Salvador-Schlorum.

Do machen se so viel Geschmus
Mit denne fremde Biere;
Herrgott, denk ich, krieh gleich die Rus,
Du muscht's doch aach browiere;
Drum pack am Sunndag Nummedag
Ich uff mit meiner Vine:
„Wasß nutzt deß schlechte Bewe aach —
Heit gehn mer in die „Griene“.

Ich hann mich jo gefaßt gemacht
Schun uff e ordlich Dreime,
Doch d e n n e Rummel un d i e Jagd!
Es war net zu beschreime.
Meiⁿ Aldi saht schun an de Dheer:
„Die hann kää schlechte Schtiwer!
Do geh du nor alläⁿh, dann mer
Sin doch meiⁿ Nerve liwer.“

Es Schubb, e Schwubb un glücklich bin —
Ich ich mich's dhu versiehe —
Nach mitte in dem Schlorum drin,
's war um die Krenk se kriehe
Wahrhaftig, ärjer kennens deck
Die Wilde net markiere;
Zum Gluck sieh ich e ruhig Eck,
Wo ich mich redderiere.

Do sitz ich jetzt un guck mich um,
Kann wirrer Odem schebbe:
Dicht hinner mer isz 's Podium,
Do dhun se enner schrebb.
Un wie? Mit Brumbaß, Fleet un Gei-
Mer saht zwar: „Schä“ isz annerscht.“
Doch do ums Gotteswille schwei,
Daß vor die Dheer net wannerscht.

Gesung isz worr, du liewer Gott,
Mit Aⁿdacht un so sicher!
Besunners äⁿs klingt allegebott:
„Gumorje, aah, Herr Fischer!“
Wie alles die äⁿ Veier summt,
Do muscht ich hämlich lache;

Doch schließlich hann ich mit gebrummt,
Do war nix dra" se mache.

Noch ebbes Schbassiges ich sieh,
Ob schun ich en bedauer:
Sitzt mer finf Kepp hoch wisawi
Mit seine Kinn' e Bauer.
Die Kellnerin dhut en noch froh:
„Soll ich Salvador bringe?“
„Gi dodesfor sein mer jo do,
Dhu se nor dabber schbringe.“

Sie siße nor zwee Schobbe lang,
Defß war gewiß doch wenig.
Doch wie's an's Bleche dann iß gang!
„Drei Mark un sechzig Pennig!“
Defß G'sicht, wo jetzt der Bauer macht,
War kenns vun de gescheidschtde;
Was nußt's, daß er jetzt flucht un kracht:
De Werrd lacht sich ins Feischtche.

Es war so an de sieme Uhr,
Daß ich mich häm dhu dricke.
Pandoffelheld? Nee, Freind, kä" Schbur,
Doch schbier ich's selbscht am Schlicke:

Ich hann genug! Rasch unnerm Rock
De Filzhut noch verschteckelt,
Un nix wie naus dann aus dem Loch,
Wo mer wie ei"gepeckelt!

Uff! Ob mei" Bä" mich jetzt noch dra',
Na", wollen 's mol browiere?
Es geht noch, 's Schwanke drum un dra",
Deß werd sich schun verliere.
„Salvador?“ newe mer wer saht,
„Deß war jo gar lä" rechter!“
„Na" heer'n mol, Freind, mer langt 'r grad,
Ich mecht 'n gar net ech der.“

